

摘藻堂四庫全書薈要

史部

欽定四庫全書薈要卷五千五百三十七

舊五代史卷一百三十六

宋門下侍郎參知政事監修國史薛居正等撰

僭偽列傳第三

王建陳州項城人唐末隸名於忠武軍秦宗權據蔡州
懸重賞以募之建始自行間得補軍侯廣明中黃巢陷
長安僖宗幸蜀時梁祖為巢將領衆攻襄鄧宗權遣小
校鹿宴弘從監軍楊復光率師攻之建亦預行是歲復

光入援京師明年破賊收京城初復光以忠武軍八千人立為八都宴弘與建各一都校也復光死宴弘率八都迎扈行在至山南乃攻剽金商諸郡縣得兵數萬進逼興元節度使牛勣棄城而去宴弘因自為留後以建等屬郡刺史不令之任俄而宴弘正授節旄恐部下謀已多行忍虐繇是部衆離心建與別將韓建友善宴弘益猜二建偽待之厚引入卧内二建懼夜登城慰守陴者因月下共謀所向謂韓建曰僕射甘言厚德是疑我

也禍難無日矣早宜擇利而行韓曰善因率三千人趨
行在僖宗嘉之賜與巨萬分其兵為五都仍以舊校主
之即晉暉李師泰張造與二建也因號曰隨駕五都田
令孜皆錄為假子及僖宗還宮建等分典神策軍皆遙
領刺史光啓初從僖宗再幸興元令孜懼逼求為西川
監軍楊復恭代為觀軍容使建等素為令孜所厚復恭
懼不附已乃出五將為郡守以建為壁州刺史天子還
京復恭以楊守亮鎮興元尤畏建侵已屢召之建不安

其郡因招合溪洞豪猾有衆八千寇閬州陷之復攻利州刺史王珙棄城而去建播剽二郡所至殺掠守亮不能制東川節度使顧彥朗初於闕輔破賊時與建相聞每遣人勞問分俸幣軍食以給之故建不侵梓遂西川節度使陳敬瑄憂其膠固謀於監軍田令孜曰王八吾子也彼無他腸作賊山南實進退無歸故也吾馳咫尺之書可以坐置麾下即飛書招建建大喜遣使謂彥朗曰監軍阿父遣信見招僕欲詣成都省阿父因依陳太

師得一大郡是所願也即之梓州見彥朗留家寄東川
選精甲三千之成都行次鹿頭或謂敬瑄曰建今之劇
賊鴟視狼顧專謀人國邑儻其即至公以何等處之彼
建雄心終不居人之下公如以將校遇之是養虎自貽
其患也敬瑄懼乃遣人止建遽修城守建怒遂據漢州
領輕兵至成都敬瑄讓之曰彼何為者而犯吾疆理建
軍吏報曰閬州司徒北寄東川而軍容太師使者繼召
今復拒絕何也司徒不惜改轅而東而北省太師反為

拒絕慮顧梓州復相嫌間謂我何心故也使我來報且
欲寄食漢州公勿復疑時光啟三年居浹旬建盡取東
川之衆設梯衝攻成都三日不尅而退復保漢州月餘
大剽蜀土進逼彭州百道攻之敬瑄出兵來援建解圍
縱兵大掠十一州皆罹其毒民不聊生建軍勢日盛復
攻成都敬瑄患之顧彥朗亦懼侵已昭宗即位彥朗表
請雪建擇大臣為蜀帥移敬瑄他鎮乃詔宰臣韋昭度
鎮蜀以代敬瑄敬瑄不受代天子怒命顧彥朗楊守亮

討之時昭度以建為牙內都校董其部兵

鑑戒錄云昭度以部兵置

府及王師無功建謂昭度曰相公興數萬之衆討賊未

効餉運交不相屬近聞選雒以來藩鎮相噬朝廷姑息
不暇與其勞師以事蠻方不如從而赦之且以兵威靖
中原是國之本也相公盍歸朝覲與主上畫之昭度持
疑未決一日建陰令軍士於行府門外擒昭度親吏鬻
而食之建徐啟昭度曰蓋軍士乏食以至於此耶昭度
大懼遂留符節與建即日東還纔出劔門建即嚴兵守

門不納東師月餘建攻西州管內八州所至響應遂急
攻成都田令孜登城謂建曰老夫與八哥相厚太師久
以知聞有何嫌恨如是困我之甚耶建曰軍容父子之
恩心何敢忘但天子付以兵柄太師孤絕朝廷故也苟
太師悉心改圖何福如之又曰吾欲與八哥軍中相款
如何曰父子之義何嫌也是夜令孜携蜀帥符印入建
軍授建建泣謝曰太師初心太過致有今日相戾既此
推心一切如舊翌日敬瑄啟關迎建以蜀師讓之建乃

自稱留後表陳其事明年春制授檢校太傅成都尹西
川節度副大使知節度事管内觀察處置雲南八國招
撫等使時龍紀元年也移敬瑄於雅州安置仍以其子
為刺史既行建令人殺之於路令孜仍舊監軍事數月
或告令孜通鳳翔書問下獄餓死

蜀棹机云敬瑄廢處雅州以其子為刺史

既行建遣殺於三江令孜仍監其軍復以令孜陰附鳳翔下獄餓死建雄猜多機畧意嘗

難測既有蜀土復欲窺伺東川又以彥朗婚姻之舊未
果行會彥朗卒弟彥暉代為梓帥交情稍急李茂貞乘

其有間密搆彥暉因與茂貞連盟闕征疆吏之間與蜀人得失大順末建出師攻梓州彥暉求援於鳳翔李茂貞出師援之建即圍解自是秦川交惡者累年後建大起蜀軍敗岐梓之兵於利州彥暉懼乞和請與岐人絕許之景福中山南之師寇東川彥暉求援於建建出兵赴之大敗興元之衆洎軍旋建秉虛奄襲梓州擄彥暉置於成都遂兼有兩川自此軍鋒益熾天福初李茂貞韓全誨劫還車駕在鳳翔梁祖攻圍歷年建外修好於

汴指茂貞罪狀又陰與茂貞間使往來且言堅壁勿和
許以出師赴援因分命諸軍攻取興元比及梁祖解圍
茂貞山南諸州皆為建所有自置守將及茂貞垂翅天
子遷雒陽建復攻茂貞之秦隴等州茂貞削弱不能守
或勸建因取鳳翔建曰此言失策吾所得已多不俟復
增岐下茂貞雖常才然名望宿素與朱公力爭不足守
境有餘韓生所謂入為扞蔽出為席藉是也適宜援而
固之為吾盾鹵耳及梁祖將謀強禪建與諸藩同謀興

復乃令其將康宴率兵三萬會於鳳翔數與汴將王重
師戰不利而還趙匡凝之失荆襄也弟匡明以其帑奔
蜀建因得夔峽忠萬等州及梁祖開國蜀人請建行劉
備故事建自帝於成都改元永平五年改元通正是年
冬改元天漢又改元光天在位十二年年七十二子衍
嗣

衍建之幼子也建卒衍襲偽位改元乾德六年十二月
改明年為咸康秋九月衍奉其母徐妃同遊於青城山

駐於上清宮時宮人皆衣道服頂金蓮花冠衣畫雲霞
望之若神僊及侍宴酒酣皆免冠而退則其髻髻然又
構怡神亭以佞臣韓昭等為狎客雜以婦人以恣荒宴
或自旦至暮繼之以燭偽嘉王宗壽侍宴因以社稷國
政為言言發涕流至於再三同宴佞臣潘在迎等並奏
衍云嘉王好酒悲因翻恣諧謔取笑而罷自是忠正之
臣結舌矣時中國多故衍得以自安唐莊宗平梁遣使
告捷於蜀蜀人恟懼致禮復命稱大蜀國主致書上大

唐皇帝詞理稍抗莊宗不能容遣客省使李嚴報聘且
市宮中珍玩蜀人皆禁而不出行既冲駭軍國之政咸
委於人有王宗弼者為六軍使總外任宋光嗣者為樞
密使總內任洎嚴至蜀光嗣等曲宴因言中國近事嚴
亦引近事折之語在嚴傳光嗣等聞嚴辯對畏而竒之
及嚴使還奏莊宗曰王衍駭童耳宗弼等總其兵柄但
益家財不卹民事君臣上下唯務窮奢其舊勲故老棄
而不任蠻蜚之人痛深瘡痍以臣料之大兵一臨望風

瓦解莊宗深然之遂蒐兵括馬有平蜀之志唐師未起時偽東川節度使宋承葆獻計於衍云唐國兵強不早為謀後將焉救請於嘉州泂江造戰艦五百艘募水軍五千自江下峽臣以東師出襄鄧水陸俱進東北泂邊嚴兵據險南師出江陵利則進取否則退保硤口又選三蜀驍壯三萬急攻岐雍東據河潼北招契丹啗以美利見可則進否則據散關以固吾圉事縱不捷亦攻敵人之心矣衍不從唐同光三年九月十日莊宗下制伐

蜀命興聖宮使魏王繼岌為都統樞密使郭崇韜為行營都招討其月十八日魏王統關下諸軍發洛陽十一月二十一日魏王至德陽行報云比與將校謀歸國偽樞密使宋光嗣景潤澄南北院宣徽使李周輅歐陽晃等四人異謀熒惑臣各已處斬今送納首級是日衍上表曰臣衍先人建久在坤維受先朝寵澤一開土宇將四十年頃以梁孽興災洪圖板蕩不可助逆遂乃從權勉狗衆情止王三蜀固非獲已未有所歸臣輒紹鉉基

且安生聚臣衍誠惶誠恐伏惟皇帝陛下嗣堯舜之業
陳湯武之師廓定寰區削平允逆梯航垂集文軌混同
臣方議改圖便期納款遽聞王師致討實抱驚危今則
將千里之封疆盡為王土冀萬家之臣妾皆沐皇恩必
當輿櫬乞降負荊請命伏惟皇帝陛下迴照臨之造施
覆幬之仁別示哀矜以安反側儻墳塋而獲祀實存沒
以知歸臣無任望恩虔禱之至已酉年十一月日臣王
衍上表其月二十七日魏王至成都北五里昇仙橋偽

百官班於橋下衍乘行輿至素衣白馬牽羊草索係首
面縛啣壁與櫬而後魏王下馬受其壁宗韜釋其縛及
燔其櫬衍率僞百官東北舞蹈謝恩禮畢拜魏王宗韜
李嚴皆答拜二十八日王師入成都自起師至入蜀城

凡七十五日

按以下原本殘闕据歐陽史云同光四年衍行至秦川驛莊宗用伶人景進計遣宦

者向延嗣誅其族天成二年封衍順正公以諸侯葬

五代史補王建在許下時尤不逞嘗坐事遭徒但無杖

痕爾及據蜀得馬涓為從事涓好詆訐建恐為所譏因

問曰竊聞外議以吾曾遭徒刑有之乎涓對曰有之建

恃無杖痕且對衆因袒背以示涓曰請足下試看有遭

杖責而肌肉如是耶涓知其詐乃撫背而嘆曰大奇當

時何處得此好膏藥來賓佐皆失色而涓宴然王建之僭號也惟翰林學士最承恩顧侍臣或諫其禮過建

曰蓋汝輩未之見也且吾在神策軍時主內門魚鑰見唐朝諸帝待翰林學士雖交友不若也今我恩顧比當

時才有百分之一爾何謂之過當耶論者多之杜光

庭長安人應九經舉不第時長安有潘尊師者道術甚

高僖宗所重光庭素所希慕數遊其門當僖宗之幸蜀也觀蜀中道門牢落思得名士以主張之駕回詔潘尊

師使於兩街求其可者尊師奏曰臣觀兩街之衆道聽

塗說一時之俊即有之至於掌教之士恐未合應聖旨

臣於科場中識九經杜光庭其人性簡而氣清量寬而識遠且困於風塵思欲脫屣名利久矣以臣愚思之非

光庭不可僖宗召而問之一見大悅遂令披戴仍賜紫衣號曰廣成先生即日馳驛遣之及王建據蜀待之愈

厚又號為天師光庭嘗以道德二經注者雖多皆未能演暢其旨因著廣成義八十卷他術稱是識者多之

孟知祥字保裔邢州龍岡人也祖察父道世為郡校伯父方立終於邢洺節度使從父遷位至澤潞節度使知祥在後唐莊宗同光三年授西川節度副大使知節度事天成中安重誨專權用事以知祥莊宗舊識方據大藩慮久而難制潛欲圖之是時客省使李嚴以嘗使於蜀洞知其利病因獻謀於重誨請以已為西川監軍庶效方畧以制知祥朝廷可之及嚴至蜀知祥延接甚至徐謂嚴曰都監前因奉使請兵伐蜀遂使東西兩川俱

至破滅川中之人其怨已深今既復來人情大駭固奉

為不暇也

案此句疑有舛誤

即遣人拽下階斬於階前

歐陽史云李嚴

至境上遣人持書候知祥知祥盛兵見之冀嚴懼而不來嚴聞之自若天成二年正月嚴至成都知祥置酒召嚴因責嚴曰今諸方鎮已罷監軍公何得來鑑誠錄云李嚴於天成初復來臨護孟祖加之禮分從容數其五罪命劔斬之

其後朝廷每除劔南牧守皆令提兵而往或千

或百分守郡城時董璋作鎮東川已數年矣亦有雄據

之意會朝廷以夏魯奇鎮遂州李仁矩鎮閬州皆領兵

數千人赴鎮復授以密旨令制禦兩川董璋覺之乃與

知祥通好結為婚家以固輔車之勢知祥慮唐軍驟至與遂閬兵合則勢不可支吾遂與璋協謀令璋以本部軍先取閬州知祥遣大將軍李仁罕趙廷隱率軍圍遂州長興元年冬唐軍伐蜀至劔門二年以遂閬既陷又糧運不接乃班師三年知祥又破董璋乃自領東西兩川節度使應順元年以劔東南西川節度使蜀王稱帝於蜀改元明德七月卒年六十一

案孟知祥傳永樂大典原闕今采冊府元

龜僭偽部
以存梗槩

昶知祥之第三子也

宋朝事實云昶初名仁贊
揮塵餘話云昶字保元

母李氏

本莊宗之嬪御以賜知祥唐天祐十六年歲在己卯十一月十四日生昶於太原及知祥鎮蜀昶與其母從知祥妻瓊華長公主同入於蜀知祥僭號偽冊為皇太子知祥卒遂襲其偽位時年十六尚稱明德元年及偽明德四年冬偽詔改明年為廣政元年是歲即晉天福三年也偽廣政十三年偽上尊號為睿文英武仁聖明孝皇帝皇朝乾德三年春王師平蜀詔昶舉族赴闕賜甲

第於京師迨其臣下賜賚甚厚尋冊封楚王是歲秋卒

於東京時年四十七事具皇家日厯自知祥同光二年

丙戌歲入蜀父子相繼凡四十年而亡

五代史補孟知祥之入蜀視其

險固陰有割據之志洎抵成都值晚且憩於郊外有推小車子過者其物皆以袋盛知祥見問曰汝車所勝幾袋答曰盡力不過兩袋知祥惡之其後果兩世而國滅孟知祥與董璋有隙舉兵討之璋素勇悍聞知祥之來也以為送死諸將兩端李錫為知祥判官深憂之及將戰知祥欲示閑暇自書一字以遺董璋無何舉筆輒誤書董為重字不悅久之錫在側大喜且引諸將賀於馬前知祥不測曰事未可測何賀耶錫曰其董字艸下施重今大王去艸書重是董已無頭此必勝之兆也於是三軍欣然一戰而董璋敗

史臣曰昔張孟陽為劔閣銘云惟蜀之門作固作鎮世
濁則逆道清斯順是知自古坤維之地遇亂代則閉之
而不通逢興運則取之如俯拾然唐氏之入蜀也兵力
雖勝帝道猶昏故數年間得之復失及皇上之平蜀也
煦之以堯日和之以舜風故比戶之民悅而從化且夫
王衍之遭季世也則赤族於秦川孟昶之遇明代也則
受封於楚甸雖俱為亡國之主何幸與不幸相去之遠
也

舊五代史卷一百三十六

舊五代史卷一百三十六考證

僭偽列傳三王建傳以建為壁州刺史 案通鑑作出

建為利州刺史蜀構机作利州防禦使俱與是書異

孟昶傳十一月十四日生昶于太原 案花蕊夫人宮

詞云法雲寺裏中元節又是官家降誕辰是昶以七
月十五為生辰也與是書異



舊五代史卷一百三十六考證



總校官編修臣朱 鈐

校對官學錄臣謝登雋

謄錄監生臣陳山紀

欽定四庫全書薈要

史部

舊五代史卷一百三十七至
四十

詳校官編修臣王天祿




欽定四庫全書薈要卷五千五百三十八

舊五代史卷一百三十七

宋門下侍郎叅知政事監修國史薛居正等撰

國列傳一

契丹者古匈奴之裔也代居遼澤之中潢水南岸南距

榆關一千一百里榆關南距幽州七百里本鮮卑之舊

地也其風土人物世代君長前史載之詳矣唐咸通末

其王曰薩勒札疆土稍大累來朝貢光啟中其王沁丹

者乘中原多故北邊無備遂蠶食諸郡達靺鞨室韋之屬咸被驅役族帳寢盛有時入邊劉仁恭鎮幽州素知契丹軍情偽運將練兵乘秋深入踰摘星領討之霜降秋暮即燔塞下野草以困之馬多饑死即以良馬賂仁恭以市牧地仁恭季年荒恣出居大安山契丹背盟數來寇鈔時劉守光戍平州契丹錫利王子率萬騎攻之守光偽與之和張幄幕於城外以享之部族就席伏甲起擒錫利王子入城部族聚哭請納馬五千以贖之不

許沁丹乞盟納賂以求之自是十餘年不能犯塞及沁
丹政衰有別部長耶律按巴堅最推雄勁族帳漸盛遂
代沁丹為主先是契丹之先大賀氏有勝兵四萬分為
八部每部皆號大人內推一人為主建旗鼓以尊之每
三年第其名以代之及按巴堅為主乃怙強恃勇不受
諸族之代遂自稱國主天祐四年大寇雲中後唐武皇
遣使連和因與之面會於雲中東城大具享禮延入帳
中約為兄弟謂之曰唐室為賊所篡吾欲今冬大舉弟

可以精騎二萬同收汴洛案已堅許之賜與甚厚留馬三千匹以答貺左右咸勸武皇可乘間擄之武皇曰逆賊未殄不可失信於部落自亡之道也乃盡禮遣之及梁祖建號案已堅亦遣使送名馬女樂貂皮等求封冊梁祖與之書曰朕今天下皆平惟有太原未服卿能長驅精甲徑至新莊為我翦彼仇讎與爾便行封冊莊宗初嗣世亦遣使告哀賂以金繒求騎軍以救潞州答其使曰我與先王為兄弟兒即吾兒也寧有父不助子耶

許出師會潞平而止劉守光末年苛慘軍士亡叛皆入契丹洎周德威攻圍幽州燕之軍民多為寇所掠既盡得燕中人士教之文法由是漸盛十三年八月案已堅率諸部號稱百萬自麟勝陷振武長驅雲朔北邊大擾莊宗赴援於代敵衆方退十四年新州大將盧文進為衆所迫殺新州團練使李存矩於祁溝關返攻新武周德威以衆擊之文進不利乃奔於契丹引其衆陷新州周德威率兵三萬以討之敵騎援新州德威為敵所敗

殺傷殆盡契丹乘勝攻幽州是時或言契丹三十萬或言五十萬幽薊之北所在敵騎皆滿莊宗遣明宗與李存審閻寶將兵救幽州遂解其圍語在莊宗紀中十八年十月鎮州大將張文禮弑其帥王鎔莊宗討之時定州王處直與文禮合謀遣威塞軍使王郁復引契丹為援十二月索已堅傾塞入寇攻圍幽州李紹宏以兵城守契丹長驅陷涿郡執刺史李嗣弼進攻易定至新樂渡沙河王郁遣使告急時莊宗在鎮州行營聞前鋒報

曰敵渡沙河軍中咸恐議者請權釋鎮州之圍以避之
莊宗曰霸王舉事自有天道契丹其如我何國初突厥
入寇至於渭北高祖欲棄長安遷都樊鄧太宗曰獫狁
孔熾自古有之未聞遷移都邑霍去病漢廷將帥猶且
志滅匈奴況帝王應運而欲移都避寇哉文皇雄武不
數年俘二突厥為衛士今吾以數萬之衆安集山東王
德明廝養小人按已堅生長邊地豈有退避之理吾何
面視蒼生哉爾曹但駕馬同行看吾破敵莊宗親御鉞

騎五千至新城北遇契丹前鋒萬騎莊宗精甲自桑林
突出光明照曰諸部愕然緩退莊宗分二廣以乘之敵
騎散退時沙河微冰其馬多陷按巴堅退保望都是夜
莊宗次定州翌日出戰遇奚長托諾五千騎莊宗親軍
千騎與之鬪為敵所圍外救不及莊宗挺馬奮躍出入
數四酣戰不解李嗣昭聞其急也灑泣而往攻破敵陣
掖莊宗而歸時契丹值大雪野無所掠馬無芻草凍死
者相望於路按巴堅召盧文進以手指天謂之曰天未

令我到此乃引衆北去莊宗率精兵騎躡其後每經按
已堅野宿之所布秸在地方而環之雖去無一莖亂者
莊宗謂左右曰蕃人法令如是豈中國所及莊宗至幽
州發二百騎偵之皆為契丹所獲莊宗乃還天祐末案
已堅乃自稱皇帝署中國官號其俗舊隨畜牧素無邑
屋得燕人所教乃為城郭宮室之制於漠北距幽州三
千里名其邑曰西樓邑屋門皆東向如車帳之法城南
別作一城以實漢人名曰漢城城中有佛寺三僧尼千

人其國人號案已堅為天皇王同光中按已堅深著闢
地之志欲收兵大舉慮渤海踵其後三年舉其衆討渤
海之遼東令托諾慮文進據營平等州擾我燕薊明宗
初纂嗣遣供奉官姚坤告哀至西樓邑屬按已堅在渤
海入徑至慎州崎嶇萬里既至謁見按已堅延入穹廬
案已堅身長九尺被錦袍大帶垂後與妻對榻引見坤
坤未致命案已堅先問曰聞爾漢土河南河北各有一
天子信乎坤曰河南天子今年四月一日洛陽軍變今

山間至矣河北總管令公比為魏州軍亂先帝詔令除
討既聞內難軍衆離心及京城無主上下望冊令公請
主社稷今已順人望登帝位矣案已堅號咷聲淚俱發
曰我與河東先世約為兄弟河南天子吾兒也近聞漢
地兵亂點得甲馬五萬騎比欲自往洛陽救助我兒又
緣渤海未下我兒果致如此冤哉泣下不能已又謂坤
曰今漢土天子初聞洛陽有難不急救致令及此坤曰
非不急切地遠阻隔不及也又曰我兒既殂當合取我

商量安得自便坤曰吾皇將兵二十年位至大總管所部精兵三十萬衆口一心堅相推戴遠之則立見禍生非不知稟天皇王意旨無奈人心何其子托雲在側謂坤曰漢使勿多談引左氏牽牛蹊田之說以折坤坤曰應天順人不同匹夫之義祇如皇王初領國事豈是強取之耶按已堅因曰理當如此我漢國兒子致有此難我知之矣聞此兒有宮婢二千樂官千人終日放鷹走狗耽酒嗜色不惜人民任使不肖致得天下皆怒我自聞

如斯常憂傾覆一月前已有人來報知我兒有事我便
舉家斲酒解放鷹犬休罷樂官我亦有諸部家樂千人
非公宴未嘗妄舉我若所為似我兒亦應不能持久矣自
此願以為戒又曰漢國兒與我雖父子亦曾彼此讎敵
俱有惡心與爾今天子無惡足得歡好爾先復命我續
將馬萬騎至幽鎮以南與爾家天子面為盟約我要幽
州令漢兒把捉更不復侵入漢界又問漢收得西川信
不坤曰去年九月出兵十一月十六日收下東西川得

兵馬二十萬金帛無算皇帝初即位未辦送來續當遣使至矣案已堅忻然曰聞西有劍閣兵馬從何過得坤曰川路雖險然先朝收復河南有精兵四十萬良馬十萬騎但通人行處便能去得視劍閣如平地耳案已堅善漢語謂坤曰吾解漢語歷口不敢言懼部人效我令兵士怯弱故也坤至止三日案已堅病傷寒一夕大星殞於其帳前俄而卒於扶餘城時天成元年七月二十七日也其妻舒嚕氏自率衆護其喪歸西樓坤亦從行

得報而還既而舒魯氏立其次子德光為渠帥以總國
事尋遣使告哀明宗為之輟朝明年正月葬按巴堅於
木葉山偽謚曰大聖皇帝按巴堅凡三子長曰人皇王
托允即東丹王也次曰元帥太子即德光也幼曰安端
少君德光本名耀衡之後慕中華文字遂改為唐天成
初按巴堅死其母令德光權主牙帳令少子安端少君
往渤海國代托允托允將立而德光素為部族所服又
其母亦常鍾愛故因而立之明宗時德光遣使摩琳等

三十餘人來修好又遣使為父求碑石明年許之賜與甚厚并賜其母璵珞錦綵自是山北安靜蕃漢不相侵擾三年德光偽改為天顯元年是歲定州王都作亂求援於契丹德光遂陷平州以騎五千援都於中山招討使王晏球破之於曲陽走保賊城其年七月又遣特哩袞率七千騎救定州王晏球遂戰於唐河北大破之幽州趙德鈞以生兵接於要路生擒特哩袞等首領五十餘人獻於闕下明年王都平擒及餘衆斬之自是契丹

大挫數年不能窺邊嘗遣使紐赫美稜來求搭納骸骨
明宗怒其詐斬之長興二年東丹王托允在闕下其母
繼發使申報朝廷亦擾容之長興末契丹迫雲州明宗
命晉高祖為河東節度使兼北面蕃漢總管清泰三年
晉高祖為張敬達等攻圍甚急遣指揮何福賁表乞師
願為臣子德光白其母曰兒昨夢太原石郎發使到國
今果至矣事符天意必須赴之德光乃自率五萬騎由
雁門至晉陽即日大破敬達之衆於城下尋冊晉高祖

為大晉皇帝約為父子之國割幽州管內及新武雲應朔州之地以賂之仍每歲許輸帛三十萬時幽州趙德鈞屯兵於圍栢谷遣使至幕帳求立己為帝以石氏世襲太原德光對使指帳前一石曰我已許石郎為父子之盟石爛可改矣楊光遠等殺張敬達降於契丹德光戲謂光遠等曰爾輩大是惡漢兒不用鹽酪食却一萬匹戰馬光遠等大慙晉高祖南行德光自送至潞州時趙德鈞趙延壽自潞州出降於契丹德光鑠之令隨牙

帳晉高祖入洛尋遣宰相趙瑩致謝於契丹天福三年
又遣宰相馮道左僕射劉昫等持節冊德光及其母氏
歲號賁鹵簿儀仗法服車輅於國行禮德光大悅尋遣
使奉晉高祖為英武明義皇帝是歲契丹改天顯十一
年為會同元年以趙延壽為樞密使升幽州為南京以
趙思溫為南京留守既而德光請晉高祖不稱臣不上
表來往絨題止用家人禮但云兒皇帝晉祖厚賫金帛
以謝之晉祖奉契丹甚至歲時問遺慶弔之禮必令擾

厚每敵使至即於別殿致敬德光每有邀請小不如意則來譴責晉祖每屈己以奉之終晉祖世畧無釁隙及少帝嗣位遣使入契丹德光以少帝不先承稟擅即尊位所費文字略去臣禮大怒形於責讓朝廷使去即加譴辱會契丹迴國使喬榮北歸侍衛親軍都指揮使景延廣謂榮曰先朝是契丹所立嗣君乃中國自冊稱孫可矣稱臣未可中國自有十萬口橫磨劍要戰即來榮至本國具言其事德光大怒會青州楊光遠叛遣使構

之明年冬德光率諸部南下開運元年春陷祁州直抵大河少帝幸澶州以禦之其年三月德光敗於陽城棄其車帳乘一索馳奔至幽州因怒其失律自大首領已下各杖數百唯趙延壽免焉是時契丹連歲入寇晉氏疲於奔命邊民被苦幾無寧日晉相桑維翰勸少帝求和於契丹以紓國難少帝許之乃遣使奉表稱臣卑辭首過使迴德光報曰但使桑維翰景延廣自來并割定鎮與我則可通和也朝廷知其不可乃止時契丹諸部

頻年出征蕃國君臣稍厭兵革德光母常謂蕃漢臣寮
曰南朝漢兒爭得一向卧耶自古及今惟聞漢來和蕃
不聞蕃去和漢待伊漢兒的當迴心則我亦不惜通好
也三年樂壽監軍王巒繼有密奏若言瀛州可取之狀
十月少帝遣杜重威李守貞等率兵經畧十一月蕃將
高牟翰敗晉師於瀛州之北梁漢璋死之契丹主聞晉
既出兵自率諸部由易定抵鎮州杜重威等自瀛州西
趨常山至中渡橋敵已至矣兩軍隔滹水而砦焉十二

月十日杜重威率諸軍降於契丹語在晉少帝紀中十
二日德光入鎮州大犒將士十四日自鎮州南行中度
降軍所釋甲仗百萬計並令於鎮州收貯戰馬數萬匹
長驅而北命張彥澤領二千騎先趨東京遣部轄
降兵取邢相路前進晉少帝遣子延煦延寶奉降表於
契丹并傳國寶一紐至牙帳明年春正月朔日德光至
汴北文武百官迎於路是日入宮至昏復出次於赤崗
五日偽制降晉少帝為負義侯於黃龍府安置七日德

光復自赤崗入居於大內分命使臣於京城及往諸道
括借錢帛偽命以李崧為西廳樞密使以馮道為太傅
以左僕射和凝及北來翰林學士承旨張礪為宰相二
月朔日德光服漢法服坐崇元殿受蕃漢朝賀偽制大
赦天下改晉國為大遼國以趙延壽為大丞相兼政事
令充樞密使兼中京留守降東京為防禦州尋復為宣
武軍十五日漢高祖建號於晉陽德光聞之削奪漢祖
官爵是月晉州潞州並歸河東時盜賊所在羣起攻劫

州郡斷澶州浮梁契丹大恐汧河諸蕃鎮並以腹心鎮之三月朔日德光坐崇元殿行入閣之禮覲漢家儀法之盛大悅以蕃大將蕭翰為汴州節度使十七日德光北還發離東京宿於赤崗有大聲如雷起於牙帳之下契丹自黎陽濟河次湯陰縣界有一崗土人謂之愁死崗德光憊於其上謂宣徽使高勲曰我在上國以打圍食肉為樂自及漢地每每不快我若得歸本土死亦無恨勲退而謂人曰其語偷殆將死矣時賊帥梁暉據相

州德光親率諸部以攻之四月四日屠其城而去德光
聞河陽軍亂謂蕃漢臣寮曰我有三失殺上國兵士打
草穀一失也天下括錢二失也不尋遣節度使歸蕃三
失也十六日次於樂城縣殺虎林之側時德光已得寒
熱疾數日矣命遼人齎酒脯禱於得疾之地十八日晡
時有大星落於穹廬之前若迸火而散德光見之西望
而唾連呼曰劉知遠滅劉知遠滅是月二十一日卒時
年四十六主契丹凡二十二年契丹人破其屍摘去腸

胃以鹽沃之載而北去漢人目之為帝羆焉

案以下原本闕佚据

五代會要云四月十八日德光卒於樂城五月宣遺制以永康王襲位永康王者東丹王之長子以其月二十一日領部族歸國改會同十年為天祿元年自稱天授皇帝漢乾祐三年十一月率騎數萬臨邢州之內叩縣深州之就湯縣周廣順元年正月太祖命左千牛衛將軍朱憲性修和好永康王亦遣使報命獻良馬四匹太祖復遣尚書左丞田敏供奉官蔣光遠銜命往聘其年四月田敏等迴永康王遣使獻碧玉金銀裹鞍轡并馬四十匹其月太祖又命左金吾將軍姚漢英左神武將軍華光裔往使其年九月永康王為部下太寧王所弑德光之子勅所部兵誅太寧王自立稱應歷元年號天順皇帝顯德元年春太原劉崇將圖南寇契丹將楊衮率騎萬餘以助之三月世宗親征與崇戰於潞州高平縣之南原崇軍大敗契丹棄甲而遁二年三月命

許州節度使王彥超等築壘於李晏
口與契丹數千騎戰於安平縣敗之

舊五代史卷一百三十七

舊五代史卷一百三十七攷證

外國列傳一契丹傳兒即吾兒也 案契丹國志作吾

定兒也與是書異

遣供奉姚坤 案通鑑攷異引莊宗實錄作苗紳

兒昨夢太原石郎發使到國今果至矣 按契丹國志
作太宗夢見真武使之救晉與是書微異

錫里濟舊作習爾之今改 沁丹舊作欽德今改 實

里舊作舍利今改 按巴堅舊作阿保機今改 托

諾舊作充餒今改 托雲舊作哭欲今改 舒嚕舊

作述律今改 阿敦舊作安端今改 耀庫濟舊作

耀屈之今改 摩琳舊作梅老今改 特哩袞舊作

惕隱今改 紐赫美陵舊作捺括梅里今改

舊五代史卷一百三十七攷證

欽定四庫全書薈要卷五千五百三十九

舊五代史卷一百三十八

宋門下侍郎參知政事監修國史薛居正等撰

外國列傳二

吐蕃本漢西羌之地或云南涼禿髮利鹿孤之後其子
孫以禿髮為國號語訛為吐蕃國人號其主為贊普置
大論小論以理國事其俗隨畜牧無常居然亦有城郭
都城號邏些城不知節候以麥熟為歲首唐時屢為邊

惠初唐分天下為十道河西隴右三十三州涼州最為
大鎮天寶置八監牧馬三十萬又置都護以控制之安
祿山之亂肅宗在靈武悉召河西戍卒收復兩京吐蕃
乘虛取河西隴右華人百萬皆陷於吐蕃開成時朝廷
常遣使至西域見甘涼瓜沙等州城邑如故陷吐蕃之
人見唐使者旌節夾道迎呼涕泣曰皇帝猶念陷吐蕃
生靈否其人皆天寶中陷吐蕃者子孫其語言小訛而
衣服未改至五代時吐蕃已微弱回鶻党項諸羌遼分

侵其地而不有其人民值中國衰亂不能撫有惟甘涼
瓜沙四州常自通於中國甘州為回鶻牙帳而涼瓜沙
三州將吏猶稱唐官數來請命自梁太祖時常以靈武
節度使兼領河西節度而觀察甘肅威等州然雖有其
名而涼州自立守將唐長興四年涼州留後孫超遣大
將拓拔承謙及僧道士耆老楊通信等至京師明宗拜
孫超節度使清泰元年留後李文謙來請命後數年涼
州人逐出文謙靈武馮暉遣牙將吳繼興代文謙為留

後是時天福七年明年晉高祖遣涇州押牙陳延暉賁
詔書安撫涼州涼州人共劫留延暉立以為刺史至漢
隱帝時涼州留後折逋嘉施來請命漢即以為節度使
嘉施土豪也周廣順二年嘉施遣人市馬京師是時樞
密使王峻用事峻故人申師厚者少起盜賊為兗州牙
將與峻相友善後峻貴師厚弊衣蓬首日候峻出馬前
訴以饑寒峻未有以發而嘉施等來請帥峻即建言涼
州深入夷狄中國未嘗命吏請帥募府率供奉官能往

者月餘無應募者乃奏起師厚為左衛將軍已而拜河西節度使師厚至涼州奏薦押牙副使崔虎心陽妃谷首領沈念般等及中國留人子孫王廷翰溫崇樂劉少英為將吏又自安國鎮至涼州立三州以控扼諸羌用其酋豪為刺史然涼州夷夏雜處師厚小人不能撫有至世宗時師厚留其子而逃歸涼州遂絕於中國獨瓜沙二州終五代常來沙州梁開平中有節度使張奉自號金山白衣天子至唐莊宗時回鶻來朝沙州留後曹

義金亦遣使附回鶻以來莊宗拜義金為歸義軍節度使瓜沙等州觀察處置等使晉天福五年義金卒子元德立至七年沙州曹元忠瓜州曹元深皆遣使來周世宗時又以元忠為歸義軍節度使元恭為瓜州團練使其所貢礪砂羚羊角波斯錦安西白氍金星磬大鵬砂旄褐玉團皆因其來者以名見而其卒立世次史皆失其紀而吐蕃不見於梁世唐天成三年回鶻王仁喻來朝吐蕃亦遣使附以來自此數至中國明宗常御端明

殿見其使者問其牙帳所居曰西去涇州二千里明宗
賜以虎皮人一張皆披以拜委身宛轉落其氊帽髮亂
如蓬明宗及左右皆大笑至漢隱帝時猶來朝後遂不
復至史亦失其君世云

回鶻其先匈奴之種也後魏時號為鐵勒亦名回紇唐
元和四年本國可汗遣使上言改為回鶻義取迴旋搏
擊如鶻之迅捷也本牙在天德西北婆陵水上距京師
八千餘里唐天寶中安祿山犯闕有助國討賊之功累

朝尚主自號天驕大為唐朝之患會昌初其國為黠戛
斯所侵部族擾亂乃移帳至天德振武間時為石雄劉
沔所襲破之復為幽州節度使張仲武所攻餘衆西奔
歸於吐蕃吐蕃處之甘州由是族帳微弱其後時通中
國世以中國為舅朝廷每賜詔書亦常以甥呼之梁乾
化元年十一月遣都督周易言等入朝進貢太祖御朝
元殿引對以易言為右監門衛大將軍同正以石壽兒
石論思並為右千牛衛將軍同正仍以左監門衛將軍

楊治充押領回鶻還蕃使通事舍人

五代會要以易言為右監門衛大將

軍同正弟畧麥之石論思並為右千牛衛將軍同正李屋珠安鹽山並為右千牛衛將軍同正仍以左監門衛

上將軍楊治為左驍衛上將軍仇元通為判官厚賜緡充押領回鶻還蕃使通事舍人

帛放令歸國又賜其入朝僧凝盧宜李思宜延錢等紫

衣後唐同光二年四月其本國權知可汗仁美遣都督

李引釋迦副使鐵林都監楊福安等共六十六人來貢

方物并獻善馬九匹莊宗召對於文明殿乃命司農卿

鄭績將作少監何延嗣持節冊仁美為英義可汗至其

年十一月仁美卒其弟狄銀嗣立遣都督安千等朝貢

狄銀卒

歐陽史同光四年狄寧卒

阿咄欲立亦遣使來貢名馬天成

三年二月其權知可汗仁裕遣都督李阿山等一百二十人入貢明宗召對於崇元殿賜物有差其年三月命使冊仁裕為順化可汗四年又遣都督掣撥等五人來朝授掣撥等懷化司戈遣令還蕃長興元年十二月遣使翟未思三十餘人進馬八十匹玉一團四年七月復遣都督李未等三十人來朝進白鸛一聯明宗召對於

廣壽殿厚加錫賚仍命解放其鶻清泰二年七月遣都督陳福海已下七十八人進馬三百六十匹玉二十團八月勅回鶻朝貢使密錄都督陳福海可懷化郎將副使達奚相溫可懷化司階監使屈密錄阿撥可歸德司戈判官安均可懷化司戈晉天福三年十月遣使都督李萬全等朝貢以萬全為歸義大將軍監使雷福德為順化將軍四年三月又遣都督拽里敦來朝兼貢方物其月命衛尉卿邢德昭持節就冊為奉化可汗

歐陽史
晉高祖

時又加冊命阿咄欲不知其為狄銀親疎亦不知其立卒而仁裕訖五代常來朝貢史亦失其紀

五年正

月遣都督石海金等來貢良馬百駟并白玉團白玉鞍轡等謝其封冊漢乾祐元年五月遣使李屋等入朝貢馬并白玉藥物等七月以入朝使李屋為歸德大將軍副使安鐵山監使末相溫為歸德將軍判官翟毛哥為懷化將軍周廣順元年二月遣使並摩尼貢玉團七十有七白氍毹皮羆牛尾藥物等先是晉漢已來回鶻每至京師禁民以私市易其所有寶貨皆鬻之入官民間

市易者罪之至是周太祖命除去舊法每回鷲來者聽
私下交易官中不得禁詰繇是玉之價直十損七八顯
德六年二月又遣使朝貢獻玉並礪砂等物皆不納所
入馬量給價錢時世宗以玉雖稱寶無益國用故因而
却之

高麗本扶餘之別種其國都平壤城即漢樂浪郡之故
地在京師東四千餘里東渡海至於新羅西北渡遼水
至於營州南渡海至於北濟北至靺鞨東西三千一百

里南北二千里其官大者號大對盧比一品總知國事
三年一代若稱職者不拘年限對盧已下官總十二級
外置州縣六餘大城置俾薩一人比都督小城置道使
一人比刺史其下各有僚佐分曹掌事其王以白羅為
冠白皮小帶咸以金飾唐貞觀末太宗伐之不能下至
總章初高宗命李勣率軍征之遂拔其城分其地為郡
縣及唐之末年中原多事其國遂自立君長前王姓高
氏唐同光天成中累遣使朝貢周顯德六年高麗遣使

貢紫白水晶二千顆

渤海靺鞨其俗呼其王為可毒夫對面呼聖牋奏呼基
下父曰老王母曰太妃妻曰貴妃長子曰副王諸子曰
王子世以大氏為酋長

黑水靺鞨其俗皆編髮性凶悍無憂戚貴壯而賤老俗
無文字兵器有角弓楛矢

新羅其國俗重元日相慶賀每以是月拜日月之神婦
人以髮繞頭用綵及珠為飾髮甚鬢美

党項其俗皆土 居有棟宇織毛罽以覆之尚武其人

多壽至百五十六十歲不事生業好為盜賊党項自同
光以後大姓之強者各自來朝貢明宗時詔沿邊置場
市馬諸夷皆入市中國有回鶻党項馬最多明宗招懷
遠人馬來無駕壯皆集而所售過常直往來館給道路
倍費其每至京師明宗為御殿見之勞以酒食既醉連
袂歌呼道其土風以為樂去又厚以賜賚歲耗百萬計
唐大臣皆患之數以為言乃詔吏就邊場售馬給直止

其來朝而党項利其所得來不可止其在靈慶之間者數犯邊為盜自河西回鶻朝貢中國道其部落輒邀劫之執其使者賣之佗族以易牛馬明宗遣靈武康福邠州藥彥稠等出兵討之福等擊破阿埋韋悉褒勒強賴埋廝骨尾及其大首領連香李八薩王都統悉那埋摩侍御乞埋鬼悉逋等族殺數千人獲其牛羊鉅萬計及其所劫外國寶玉等悉以賜軍士由是党項之患稍息其他諸族散處沿邊界上甚衆然皆無國邑君長故莫

得而紀次云

昆明部落其俗椎髻跣足酋長披虎皮下者披氊
于闐其俗好事妖神

占城本地鳥之大者有孔雀

牂牁蠻其國法劫盜者三倍還贓殺人者出牛馬三十
頭乃得贖死

舊五代史卷一百三十八

舊五代史卷一百三十八攷證

外國列傳二吐蕃傳甘州為回鶻牙帳 案原本脫帳

字今據歐陽史增入

回鶻傳來貢方物并獻善馬九匹 案歐陽史作貢王

馬

舊五代史卷一百三十八攷證

欽定四庫全書薈要卷五千五百四十

舊五代史卷一百三十九

宋門下侍郎叅知政事監修國史薛居正等撰

志第一

天文志

案天文志序原本闕佚然其曰食星變諸門事蹟具存較歐陽史司天考為詳備今

考五代會要所載星變物異諸門與司天考互有詳畧蓋五代典章散佚各記所聞未能盡一也參考諸書當以是書為得其實焉

曰食

梁太祖乾化元年正月丙戌朔日有蝕之時言事者多
引漢高祖末年日蝕於歲首梁祖甚惡之於是素服避
正殿百官各守本司是日有司奏雲初陰晦事同不蝕
百寮奉表稱賀 末帝龍德三年十月辛未朔日有蝕
之

唐莊宗同光三年四月癸亥朔時有司奏日蝕在外主
歲大旱 明宗天成元年八月乙酉朔日有蝕之 二
年八月己卯朔日有蝕之 三年二月丁丑朔日食其

日陰雲不見百官稱賀 長興元年六月癸巳朔日食
其日陰冥不見至夕大雨 二年十一月甲申朔先是
司天奏朔日合蝕二分伏緣所蝕微少太陽光陰相鑠
伏恐不辨虧闕請其日不入閣百官守司從之

晉高祖天福二年正月乙卯先是司天奏正月二日太
陽虧蝕宜避正殿開諸營門蓋藏兵器半月不宜用軍
是日太陽虧十分內蝕三分在尾宿十七度日出東方
以帶蝕三分漸生至卯時復滿 三年正月戊申朔司

天先奏其日曰蝕至是日不蝕內外稱賀 四年七月

庚子朔時中書門下奏謹按舊禮曰有變天子素服避

正殿太史以所司救日於社陳五兵五鼓五麾東戟西

牙南弩北楯中央置鼓服從其位百職廢務素服守司

重列於庭每等異位向日而立明復而止今所司法物

咸不能具去歲正旦日蝕唯謹藏兵伏皇帝避正殿素

食百官守司今且欲依近禮行從之 七年四月甲寅

朔是日百官守司太陽不蝕上表稱賀 八月戊申朔

日有蝕之 少帝開運元年九月庚午朔日有蝕之

二年八月甲子朔日有蝕之 三年三月壬戌朔日有

蝕之

漢隱帝乾祐三年十一月甲子朔日有蝕之

周太祖廣順二年四月丙戌朔日有蝕之

月食

梁太祖開平四年十二月十四日夜先是司天奏是日
月食不宜用兵時王景仁方總大軍北伐追之不及至

五年正月二日果為後唐莊宗大敗於百鄉

唐莊宗同光三年三月戊申月食九月甲辰月食明

宗天成三年十二月乙卯月食四年六月癸丑望月

食十二月庚戌月食

晉高祖天福二年七月丙寅月食五年十一月丁丑

月食鷄首之分少帝開運二年三月戊子月食九月

丙戌月食

漢高祖天福十二年十二月乙未月食

周世宗顯德三年正月戊申月食 五年十一月辛未

月食

月暈

唐明宗天成元年十一月月暈匝火木

彗孛

梁太祖乾化二年四月甲戌夜彗見於靈臺之西

唐明宗天成三年十月庚午夜西南有孛長丈餘東南
指在宿五度 末帝清泰三年九月乙丑彗出虛危長

尺餘形細微經天壘哭星

晉高祖天福六年九月有彗星長丈餘八年十月庚戌夜有彗見於東方西指尾長一丈在角九度

周太祖顯德三年正月壬戌夜有星孛於參角其芒指於東南

五星凌犯

梁太祖開平二年正月乙亥歲星犯月乾化二年五月壬戌熒惑犯心大星去心四度順行占曰心為帝王

之星其年六月五日帝崩

唐莊宗同光二年八月戊子熒惑犯星 三年三月丙

申熒惑犯上相四月甲申熒惑犯左執法六月丙 歲

犯右執法九月己亥熒惑在江東犯第一星

案歐陽史九月丙辰

太白歲相犯是書不載疑有闕文

明宗天成元年八月癸卯太白犯

心大星辛亥熒惑犯上將九月庚午熒惑犯右執法己

卯熒惑犯左執法十月戊子熒惑犯上相十二月熒惑

犯氐 二年正月甲戌熒惑歲相犯二月辛卯熒惑犯

鍵閉三月熒惑犯上相六月辛丑熒惑犯房九月壬子

歲犯房 三年正月壬申太白熒惑合於奎八月癸卯

熒惑犯上將乙卯熒惑犯右執法庚午太白犯左執法

九月庚辰鎮歲合於箕辛巳太白熒惑合於軫十二月

壬寅熒惑犯房太白歲相犯於斗 四年三月壬辰歲

犯牛九月丙子熒惑入哭星 長興元年六月乙卯太

白犯天鐸十一月壬戌熒惑犯氐十二月丙辰熒惑犯

天江 二年正月乙亥太白犯羽林四月甲寅熒惑犯

羽林八月辰犯端門十一月丙戌太白犯鍵三年四

月熒惑犯積尸九月庚寅太白犯哭星十一月己亥

太白犯壁壘四年八月己未五鼓三籌熒惑近天高

星歲星近司怪太白近軒轅大星案歐陽史九月辛巳太白犯右執法是書

不載末帝清泰元年六月甲戌太白犯右執法

晉高祖天福元年三月壬子熒惑犯積尸四年四月辛

巳太白犯東井北轅甲申太白犯五諸侯五月丁未太

白犯輿鬼中星六年八月辛卯太白犯軒轅九月己

卯熒惑犯上將 八年八月丙子熒惑犯右掖十月丙

辰熒惑犯進賢 開運元年二月壬戌太白犯昴己巳

熒惑犯天鑰四月丁巳太白犯五諸侯七月甲申太白

犯東井八月甲辰熒惑入南斗十月壬戌熒惑犯哭星

案此條歐陽史不載

十二月太白犯辰 二年八月甲戌歲犯東

井九月甲寅太白犯南斗魁十一月甲午朔太白犯哭

星

漢天福十二年十月己丑太白犯亢距星 乾祐元年

八月己丑鎮星入太微西垣戊戌歲犯右執法十月丁丑歲犯左執法二年九月壬寅太白犯右執法庚戌太白犯鎮丁卯太白犯歲十一月鎮星始出太微之左掖門自元年八月己丑鎮星入太微垣犯上將左右執法內屏謁者勾己往來凡四百四十三日方出左掖三年六月乙卯鎮犯左掖七月甲申熒惑犯司怪八月癸卯太白犯房庚戌太白犯心大星十月辛酉太白犯歲周廣順元年二月丁巳歲犯咸池己未熒惑犯五諸侯

甲月甲子歲守心己卯熒惑犯鬼壬午熒惑犯天尸四
月甲午歲犯鈎鈐二年七月熒惑犯井鉞八月乙未
熒惑犯天鐔九月辛酉熒惑犯鬼庚戌熒惑掩右執法
十月壬辰太白犯進賢三年四月乙丑熒惑犯靈臺
五年熒惑犯上將顯德六年六月庚子熒惑與心
大星合度光芒相射先是熒惑勾己於房心間凡數月
至是與心大星合度是夜順行

案此條歐陽史不載

星晝見

唐同光三年六月己巳太白晝見 天成元年七月庚申太白晝見 長興二年五月己亥歲星晝見閏五月己巳歲星晝見八月戊子太白晝見 三年十月壬申太白晝見 四年五月癸卯太白晝見

清泰元年五月己未太白晝見

漢天福十三年四月丙子太白晝見 乾祐二年四月壬午太白晝見

流星

梁乾化元年十一月甲辰東方有流星如數升器出畢
宿口曳光三丈餘有聲如雷

唐長興二年九月丙戌夜二鼓初東北方有小流星入
北斗魁臧至五鼓初西北方次北有流星狀如半升器
初小後大連流如奎臧尾迹凝天屈曲似雲而散光明
燭地又東北有流星如大桃出下台星西北連流至斗
柄第三星旁臧五鼓後至明中天及四方有小流星百
餘流注交橫 應順元年春二月辛未夜有大星如五

升器流於東北有聲如雷 清泰元年九月辛丑夜五
鼓初有大星如五斗器而南流尾迹長數丈赤色移時
盤屈如龍形蹙縮如二鐸相關而散又一星稍小東流
有尾迹凝成白氣食頃方散

晉天福三年三月壬申夜四鼓後東方有大流星狀如
三升器其色白長尺餘屈曲流出河鼓星東三尺流丈
餘滅

周顯德元年正月庚寅子夜後東北有大星墜有聲如

雷牛馬震駭六街鼓人方寐而驚以為曉鼓乃齊伐鼓以應之至曙方知之三月高平之役戰之前夕有大流星如日流行數丈墜於賊營之所

雲氣

梁開平二年三月丁丑夜月有蒼白暈又有白氣如人形十餘皆束向出於暈內九月乙酉平旦西方有氣如人形甚衆皆若俯伏之狀經刻乃散

唐同光二年日有背氣凡十二三年九月丁未夜遍天

陰雲北方有聲如雷四面雞雉皆雊俗謂之天狗落是歲日有背氣凡十三是月司天監奏自七月三日陰雲大雨至九月十八日後方晴三辰行度災祥數月不見閏十二月庚午日有黑氣似日交相錯磨測在室十度天成二年十二月壬辰西南有赤氣如火燄燄約二千里占者云不出二年其下當有大兵長興三年六月司天監奏自月初至月終每夜陰雲蔽天不辨星月應順元年四月九日白虹貫日此時閔帝遇害

晉天福初高祖將建義於太原曰傍多有五色雲如蓮
芰之狀二年正月丙辰一鼓初北方有赤氣向西至戌亥
地東北至丑地已來向北濶三文餘狀如火光赤氣內
見紫微宮共北斗諸星其氣乍明乍暗至三點後後有
白氣數條相次西行直至三鼓後散

漢乾祐二年十二月日暈三重上有背氣

周顯德三年十二月庚午白虹貫日氣暈勾環

舊五代史卷一百三十九

舊五代史卷一百三十九攷證

志一天文志乾化二年五月壬戌熒惑犯心 案歐陽

史作正月丙申熒惑犯房第二星與是書異五代會
要與是書同

內屏謁者勾己 勾己原本訛旬己今據歐陽史改正
長興二年五月己亥歲星晝見 案歐陽史作癸卯太
白晝見

應順元年春 應順原本訛廣順今據歐陽史改正

舊五代史卷一百三十九 攷證

欽定四庫全書薈要卷五千五百四十一

舊五代卷一百四十

宋門下侍郎參知政事監修國史薛居正等撰

志第二

歷志

古先哲王受命而帝天下者必先觀象以垂法治歷以
明時使萬物服其化風四海同其正朔然後能允釐下
土欽若上玄故虞舜之紹唐堯先齊七政武王之得箕

子首叙九疇皇極由是而允興人時以之而不忒歷代
已降何莫由斯粵自軒黃肇正天統歲躔辛卯歷法時
成故黃帝始用辛卯歷顓頊次用乙卯歷虞用戊午歷
夏用丙寅歷商用甲寅歷周用丁巳歷魯用庚子歷秦
用乙卯歷漢用太初歷四分歷三統歷凡三本魏用黃
初歷景初歷凡二本晉用玄始歷合元萬分歷凡二本
宋用大明歷元嘉歷凡二本齊用天保歷同章歷正象
歷凡三本後魏用興和歷正光歷正元歷凡三本梁用

大同歷乾象歷永昌歷凡三本後周用天和歷丙寅歷
明立歷凡三本隋用甲子歷開皇歷皇極歷大業歷凡
四本唐用戊寅歷麟德歷神龍歷大衍歷元和觀象歷
長慶宣明歷寶應歷正元歷景福崇元歷凡九本洎梁
氏之應運也乘唐室陵遲之後黃巢離亂之餘衆職未修
三辰孰驗故當時歲歷猶用宣明崇立二法參而成之
及晉祖肇位司天監馬重績始造新歷奉表上之云臣
聞為國者正一氣之元宣萬邦之命爰資歷以立章程

長慶宣明雖氣朔不渝即星躔罕驗景福崇玄縱五歷
甚正而年差一日今以宣明氣朔崇玄星緯二歷相參
方得符合自古諸歷皆以天正十一月為歲首循太古
甲子為上元積歲彌多差濶至甚臣改法定元創為新
歷一部二十一卷七章上下經二卷算草八卷立成十
二月卷取唐天寶十四載乙未立為上元以雨水正月
朔為歲首謹詣閣門上進

玉海調元歷蓋倣曹士為小
歷之舊唐建中時曹士為始

變古法以顯慶五年為上元
雨水為歲首世謂之小歷

晉高祖命司天少監趙仁

錡張文皓秋官正徐皓天文叅謀趙延乂杜昇杜崇龜
等以新厯與宣明崇玄考覈得失俾有司奉而行之因
賜號調元厯仍命翰林學士承旨和凝撰序其後數載
法度寢差至周顯德二年世宗以端明殿學士左散騎
常侍王朴明於厯筭乃命朴考而正之朴奉詔歲餘撰
成欽天厯十五卷上之表云臣聞聖人之作也在于識
天人之變者也人情之動則可以言知之天道之動則
當以數知之數之為用也聖人以此觀天道焉歲月日

時由斯而成陰陽寒暑由斯而節四方之政由斯而行

夫為國家者履端立極必體其元布政考績必因其歲

禮動樂舉必正其朔三農百工必授其時五刑九伐必

順其氣庶務有為必從其日月六籍宗之為大典百王

執之為要道是以聖人受命必治厯數故得五紀有常

度庶徵有常應正朔行之於天下也自唐而下凡厯數

朝亂日失天垂將百載天之厯數汨陳而已矣今陛下

順考古道寅畏上天咨詢度官振舉墜典以臣簿遊曲

藝常涉舊史遂降述作之命俾究迎推之要雖非能者
敢不奉詔乃包萬象以立法齊七政以定元測圭箭以
候氣審朮胸以定朔明九道以步月校遲疾以推星考
黃道之斜正辨天勢之升降而交蝕詳焉夫立天之道
曰陰與陽陰陽各有數合則化成矣陽之策三十六陰
之策二十四奇偶相命兩陽三陰同得七十二同則陰
陽之數合七十二者化成之數也化成則謂之五行之
數五行得暮之數過者謂之氣盈不及謂之朔虛至於

應變分用無所不通所謂包萬象矣故以七十二為經法
經者常也常用之法也法者數之節也隨法進退不失
舊位故謂之通法以通法進經法得七千二百謂之統
法自元入經先用此法統歷之諸法也以通法進統法
得七十二萬氣朔之下收分必盡謂之全率以通法進
全率得七千二百萬謂之大率而元紀生焉元者歲日
月時皆甲子日月五星合在子正之宿當盈縮先後之
中所謂七政齊矣古之植圭於陽成者以其近洛故也

蓋尚懽其中乃在洛之東偏開元十二年遣使天下侯
影南距林邑國北距橫野軍中得浚儀之岳臺應南北
弦居地之中皇家建國定都於梁今樹圭置箭測岳臺
晷漏以為中數晷漏正則日之所至氣之所應得之矣
日月皆有盈縮曰盈月縮則後中而朔月盈曰縮則先
中而朔自古朏朒之法率皆平行之數入厯既有前次
而又衰稍不倫皇極舊述則迂迴而難用降及諸厯則
疏遠而多失今以月離朏朒隨厯較定日躔朏朒臨用

加減所得者入離定日也一日之中分為九限逐限損益衰稍有倫牝胸之法所謂審矣赤道者天之弦帶也其勢圓而平紀宿度之常數焉黃道者日軌也其半在赤道內半在赤道外去赤道極遠二十四度當與赤道交則其勢斜當去赤道遠則其勢直當斜則日行宜遲當直則日行宜速故二分前後加其度二至前後減其度九道者月軌也其半在黃道內半在黃道外去黃道極遠六度出黃道謂之正交入黃道謂之中交若正交

在秋分之宿中交在春分之宿則比黃道益斜若正交
在春分之宿中交在秋分之宿則比黃道反直若正交
中交在二至之宿則其勢差斜故較去二至二分遠近
以考斜正乃得加減之數自古雖有九道之說蓋亦知
而未詳空有祖述之文全無推步之用今以黃道一周
分為八節一節之中分用九道盡七十二道而復使日
月之軌無所隱其斜正之勢焉九道之法所謂明矣星
之行也近日而疾遠日而遲去日極遠勢盡而留自古

諸厯分段失實隆降無准今日行分尚多次曰便留自
留而退唯用平行仍以入段行度為入厯之數皆非本
理遂至乖戾今校定逐日行分積逐日行分以為變段
於是自疾漸而遲勢盡而留自留而行亦積微而後多
別立諸段變厯以推變差俾諸段變差際會相合星之
遲疾可得而知之矣自古相傳皆謂去交十五度以下
則日月有蝕殊不知日月之相掩與闇虛之相射其理
有異焉今以日月徑度之大小較去交之遠近以黃道

之斜正天勢之升降度仰視旁視之分數則交虧得其

實矣乃以一篇步日一篇步月一篇步星

案以下脫一篇步發歟五

字下云以卦侯沒減為之下篇者言為步發歟之下篇歌陽史約其文稱謹以步日步月步星步發歟為四篇

是也以卦侯沒減為之下篇都四篇為歷經一卷歷十一

卷草三卷顯德三年七政細行歷一卷臣檢討先代圖

籍今古歷書皆無蝕神首尾之文蓋天竺胡僧之祇說

也只自符天卜祝小術不能舉其大體遂為等接之法

益從假用以求徑捷於是乎交有逆行之數後學者不

能詳知便言厯象有九曜以為注厯之恒式今並削而
去之昔在唐堯欽若昊天陛下親降聖謨考厯象日月
星辰唐堯之道也其厯謹以顯德欽天為名天道玄遠
非微臣之所盡知但竭兩端以奉明詔疏畧重謬甘俟
罪戾世宗覽之親為製序仍付司天監行用以來年正
旦為始自前諸厯並廢

玉海欽天於朔分之下立小分
謂之抄說者謂前代諸厯朔餘

未有抄者若可用抄何
待求日法以齊朔分也

其厯經一卷今聊紀於後以備

太史氏之周覽焉

顯德欽天厯經

演紀上元甲子距今顯德三年丙辰積七千二百六十九萬八千四百五十二

欽天統法七千二百

欽天經法七十二

欽天通法一百

欽天步日躔術

歲率二百六十二萬九千七百六十

十四

軌率二百六十二萬九千八百四十四十八

朔率二十一萬二千六百二十八

二十

歲策三百六十五 一千七百六十四

軌策三百六十五 一千八百四十四十八

歲中一百八十三 四千四百八十二

軌中一百八十二 四千五百二十二

朔策二十九 三千八百二十八

氣朔一十五 一千五百七十三

三十

象策七

二千七百五十五七

周紀六十

歲差八十四

十四

辰則六百八刻二十四分

案以上題稱步曰躔衍及後步月離衍步五星衍合為歷經四篇者之三又皆僅列用數而不及推步據歐陽史云舊史亡其步發欽一篇而在者三篇簡畧不完然則原文固已闕矣

欽天步月離衍

離率一十九萬八千三百九十三

九

交率一十九萬五千九百三十七

離策一十七

三千九百九十三

九

交策二十七

一千五百二十七

七九十

六五十

望策一十四

五千五百一十四

一十

交中一十三

四千四百六十三

八九十

八七十

離朔一

七千二十七

一十九

交朔二

二千二百九十二

三四十

四四十

中准一千七百三十六

中限四千七百八十

平離九百六十三

程節八百

欽天步五星術

歲星

周率二百八十七萬一千九百七十六

六

變率二十四萬二千二百一十五

六十六

厯率二百六十二萬九千七百六十一

七十八

周策三百九十八 六千三百七十六 六

歷中一百八十二 四千四百八十 九十

變段 變日 變度 變歷

晨見 一十七 三十三 二 二十四

順遲 二十五 二九 一 二十九

退遲 一十四 一十二 空 二十八

退疾 二十七 四三十三 一 三十七

後留 二十六 三十二

順疾

九十

一十六
三六

一十一
三一

順疾

九十

一十六
三六

一十一
三一

前留

二十六
二三十

退疾

二十六

四
三八

一
七三

退遲

一十四

一
二一

空
八二

順遲

二十五

二
九

一
九二

夕伏

一十七

三
七三

二
四二

焚惑

周率五百六十一萬五千四百二十二

一十

變率二百九十八萬五千六百六十一

一七十

歷率二百六十二萬九千七百六十

周策七百七十九

六千六百二十二

一十

歷中百八十二

四千四百八十

變段

變日

變度

變歷

晨見

七十三

五十三

六十

五十八

五十

順疾

七十三

五十一

一

四十八

三

次疾

七十一

四十六

九六十

四十四

七十一

次遲

七十一

四十五

三十三十

四十二

八五十

順遲

六十二

一十九

九二十

一十八

二十

前留

八

六十九

退遲

一十

一

八五十

空

四十

退疾

二十一

七

六四十

二

十四

退疾

二十一

七

六四十

二

十四

退遲

一十

一

八五十

空

四十

後留

八十六
九

順遲

六十二

一十九
二十

一十八
二十

次遲

七十一

四十五
三十

四十二
五十

次疾

七十一

四十六
三十

四十四
一十

順疾

七十三

五十一
一

四十八
三

夕伏

七十三

五十三
六十

五十
五十

鎮星

周率二百七十二萬二千一百七十六
十九

變率九萬二千四百一十六

十五

歷率二百六十二萬九千七百五十九

十八

周策三百七十八

五百七十六

十九

歷中一百八十二

四千四百七十九

十九

變段 變日

變度

變歷

晨見 一十九

二十七

一十四

順疾 六十五

六十八

三十五

順遲 一十九

空三十六

空三十五

前留

三十七

三

退遲

一十六

空

三四十

空

四一十

退疾

三十三

二

五三十

空

十六

退疾

三十三

二

五三十

空

十六

退遲

一十六

空

三四十

空

四一十

後留

三十七

三

順遲

一十九

空

三六十

空

五三十

順疾

六十五

六

八三十

三

一五十

夕伏

一十九

二七

一
四一十

太白

周率四百二十萬四千一百四十三

六九十

變率四百二十萬四千一百四十三

六九十

歷率二百六十二萬九千七百五十

六五十

周策五百八十三 六千五百四十三

六九十

歷中一百八十二 四千四百七十五

八二十

變段

變日

變度

變歷

夕見

四十二

五十三_{十四}

五十一_{一十七}

順疾

九十六

一百二十一_{五十七} 一百一十六_{三十九}

次疾

七十三

八十三_七

七十七_一

次遲

三十三

三十四_一

三十二_{十四}

順遲

二十四

一十一_{六十一}

一十一_{四十二}

前留

六_{六十九}

退遲

四

一_{二十二}

空_{三十一}

退疾

六

三_{六十五}

一_{二十二}

夕伏

七

四

十四

一

七三十

晨見

七

四

十四

一

七三十

退疾

六

三

五六十

一

二二十

退遲

四

一

二二十

空

一三十

後留

六

九六十

順遲

二十四

一十一

一六十

一十一

一二十

次遲

三十三

三十四

一

三十二

一十四

次疾

七十三

八十

七三十

七十七

一

順疾

九十六

一百二十一

五十

一百一十六

三十

晨伏

四十二

五十三

四十

五十一

一十

辰星

周率八十三萬四千三百三十五

五十

變率八十三萬四千三百三十五

五十

歷率二百六十二萬九千七百六十

四十

周策一百一十五 六千三百三十五

五十

歷中一百八十二 四千四百八十

二十

變段

變日

變度

變歷

夕見

一十七

三十四

一

二十九

四五十

順疾

一十一

一十八

四二十

一十六

四

順遲

一十六

一十一

三四十

一十一

十一

前留

二

六十

夕伏

一十一

六

二

晨見

一十一

六

二

後留

二

六十

順遲

一十六

一十一

三四十

一十一

順疾

一十一

一十八

四二十

一十六

四

晨伏

一十七

三十四

一

二十九

四五十

舊五代史卷一百四十

舊五代史卷一百四十攷證

志二歷志正元歷 案玉海作正統五代會要作正元
創為新歷一部二十一卷 案玉海引崇文總目作二
十卷

五行得算之數 五行原本訛五之今據五代會要改
正

法者數之節也 法原本訛百今據五代會要改正
以通法進統法得七十二萬 案七十二萬原本作七

千二百萬考以文以通法進全率得七千二百萬謂之大率則此當云以通法進統法得七十二萬謂之全率原本全率之數併作大率之數蓋傳寫之訛今據歐陽史改正

欽天步月離述離策二十七 二十七原本訛作一十七案以統法除離率得二十七日及餘分今據歐陽史改正

交中一十三四千三百六十三 四千三百原本訛作

四千四百案交策半之為交中當從歐陽史作四千三百今改正

欽天步五日衍歲星歷率二百六十二萬九千七百六

十一^{七十}_八案七百六十一歐陽史作九百六十六

非也據歷率半之為歷中彼此互訂此條當以是書為正

歷中一百八十二四千四百八十^{八十}_九案小分八十

九原本作九十六非也據歷中倍之為歷率倍八十

九遠得大分一小分七十八此條當以歐陽史為正
今據改

太白周策五百八十三 案原本作周策五百八十三
萬考周率滿統法得周策五百八十三日及餘分萬
字係衍文歐陽史亦無萬字今刪去

歷中一百八十二 案原本作歷中一百八十二萬考
歷率半之滿統法得歷中一百八十二日萬字係衍
文歐陽史亦無萬字今刪去

欽定四庫全書

舊五代史
卷一百一十五
答

舊五代史卷一百四十考證



總校官編修_臣朱 鈐

校對官學錄_臣謝登雋

謄錄監生_臣陳山紀